

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Exercitatio theologica de fragrantia Christi quam ex 2.
epist. ad Corinth. 2, 15.16**

**Buddeus, Johann Franz
Naumann, Tobias Gottfr.**

Ienae, 1712

VD18 11426357-001

§. XIV.

[urn:nbn:de:bsz:31-130634](#)

§. XIV. Quam ob rem studeamus omnino , ut rectum euangelii intelligamus , & serueimus vsum. Hoc enim cum gazophylacium sit, in quo omnium donorum spirituallium diuitiae nobis reteguntur , imprudens omnino sit, necesse est, qui non meditetur, quanam ratione inde aliquid impetrare possit, aut si iam acceperit, illud magis ac magis augere queat. Exploremus nos serio , quosnam ex euangelio adepti simus fructus , inquiramusque , quo studio , quo animo , & quanam deuotione euangelii verbum tractauerimus. Certe si fructus aut nulos , aut exiguos reperrimus in mentibus nostris , penes nos culpa latebit. Excutiamus ergo torporem , eoque aduersus euangelium affecti simus animo , quo David *Psal. XIX. II.* qui illud super aurum amabat & super mel appetebat. Omnes mortalium gestiunt profecto , salutem aeternam consequi , (verbis saltēm.) Euangelium est verbum salutis , in quo , qui putat salutem se posse consequi , non errat. Recto itinere ad salutem contendit , si illud , vt decet , ducentum eligat.

§. XV.